



Кадрлар бўлими тўғрисида НИЗОМ

I. Умумий қоидалар

1. Кадрлар бўлими (кейинги ўринларда Бўлим деб аталади) Тошкент вилояти статистика бошқармасининг (кейинги ўринларда Бошқарма деб юритилади) таркибий бўлинмаси ҳисобланади ва бошқарма бошлиғи бевосита раҳбарлигига, шунингдек Давлат статистика қўмитаси Кадрлар бошқармасининг умумий раҳбарлигига кадрлар бўйича бошқарма ишларини ташкил этилишини ҳамда амалга оширилишини таъминлайди.

2. Бўлим фаолияти Тошкент вилояти статистика бошқармаси тизимида ягона кадрлар сиёсатини шакллантириш ва амалга оширишга йўналтирилган.

3. Бўлим ўз фаолиятида Ўзбекистон Республикаси Конституцияси ва конунларига, Ўзбекистон Республикаси Олий Мажлиси палаталари қарорлари, Ўзбекистон Республикаси Президенти фармонлари, қарорлари ва фармойишларига, Ўзбекистон Республикаси Вазирлар Маҳкамаси қарорлари ва фармойишларига, бошқа конун хужжатлари, “Ўзбекистон Республикаси Давлат статистика қўмитаси тўғрисида”ги қонунига, Давлат статистика қўмитасининг қарорлари ва буйруқлари хужжатлари, “Тошкент вилояти статистика бошқармаси тўғрисида”ги Низомга, шунингдек, мазкур Низомга амал қиласди.

4. Бўлим ўз фаолиятини бошқарма бошлиғи раҳбарлигига амалга оширади.

5. Бўлим ўз фаолиятини бошқарманинг бошқа таркибий бўлинмалари билан ўзаро ҳамкорликда амалга оширади.

II. Бўлимнинг асосий вазифалари ва функциялари

6. Бўлимнинг асосий вазифалари куйидагилардан иборат:

Кадрларни танлаш ва жойлаштириш бўйича ишларни ташкил қилиш ва амалга ошириш, уларнинг малакасини ошириш, бошқарма тизими учун кадрларни ўқитиш ва қайта ўқитиш тизимини шакллантиришга ёрдам бериш;

раҳбарлик лавозимларига кўтариш учун кадрлар заҳирасини шакллантириш ва тайёрлаш;

Бошқарма тузилиши ва штатлар жадвалини мақбуллаштириш юзасидан таклифлар ишлаб чиқишида қатнашиш;

ходимлар билан ишлашда мөхнат түғрисидаги қонун ҳужжатлари мөъёлларига риоя этилишини таъминлаш;

Бошқарма ходимларининг иш қобилиятини ошириш мақсадида, ишлаш учун қулай шарт-шароит яратишга ва жамоада соғлом маънавий-руҳий мухитни саклаб туришга доир ишларни амалга ошириш;

кадрлар ишига оид янги усуллар ва илғор технологияларни жорий этиш, кадрларга доир ҳужжатларни мувофиқлаштириш ва унификациялаш, ахборот-коммуникация технологияларини қўллаш асосида ходимларни бошқариш жараёнларини такомиллаштириш;

кадрларни танлаш, жой-жойига қўйиш ва уларнинг малакасини ошириш масалаларида бошқарма ва худудий статистика бўлимлари фаолияти юзасидан услубий бошқарувни амалга ошириш.

7. Бўлим ўзига юкланган вазифаларни бажариш учун қуидаги функцияларни амалга оширади:

амалдаги қонун ҳужжатларида мувофиқ, бошқарма ходимларининг танланиши ва жой-жойига қўйилишини таъминлайди;

Бошқарма ва худудий статистика бўлимлари ходимларини ишга қабул қилиш, бошқа ишга ўтказиш ва улар билан мөхнат шартномасини бекор қилиш түғрисида таклифлар тайёрлаб, кўриб чиқиш учун раҳбариятга тақдим этади;

Бошқарма бўлинмаларида кадрлар билан боғлиқ вазиятни мунтазам таҳлил қилиб боради, ундаги ўзгаришлар бўйича тегишли таклифлар тайёрлайди;

ходимларнинг амалий ва касбий сифатларини ўрганади, уларнинг касбий ва лавозим поғоналарида ўсишини режалаштиради;

бошқарувнинг барча даражалари учун таъсирчан кадрлар заҳирасини яратади ва уни аниқ мақсадли тайёрлаб боради;

ходимларни аттестациядан ўтказилишини ташкил этади, аттестация якунларини таҳлил қиласди, тегишли ҳужжатлар ҳамда буйруқларни тайёрлайди ва расмийлаштиради;

Бошқарма ва худудий статистика бўлимларида кадрлар масалалари бўйича мөхнат қонунчилиги ва амалдаги меъёрий-хуқуқий ҳужжатлар талаблари, Бошқарманинг қарорлари ва қўлланмалари бажарилиши юзасидан назорат ишларини ташкил қиласди;

Бошқарма ва худудий статистика бўлимларининг тузилма ва штат бирликларига ўзгартиришлар ва тўлдиришлар киритиш, Бошқарма лавозимлар номенклатурасига ўзгартиришлар киритиш бўйича таклифларини кўриб чиқади ва бошқарма раҳбариятига тегишли таклифлар киритади;

ишга янги қабул қилинган ходимларнинг умумий ва касбий кўникиши борасидаги ишларни олиб боради, кадрлар қўнимсизлиги сабабларини ўрганади, кадрларни барқарорлаштириш чора-тадбирларини ишлаб чиқади;

моддий ва маънавий рағбатлантиришнинг амалдаги чора-тадбирлари самарадорлигини таҳлил қиласи, уларнинг ходимлар меҳнат ва ижтимоий фаоллигини оширишга таъсирини кучайтириш юзасидан таклифлар ҳамда тавсиялар киритади;

замонавий ахборот технологиялари ва автоматлаштирилган тизимлардан фойдаланган ҳолда кадрларни бошқариш усулларини жорий этади;

кадрлар шахсий таркибининг шахсий ва статистик ҳисобини юритади ҳамда белгиланган ҳисботларни тайёрлайди;

ходимларнинг меҳнат дафтарчалари, шахсий йигма жилдлари, картотека ва бошқа ҳисобга олиш материалларини юритади ҳамда сақланишини таъминлайди;

кадрларга оид ва ижтимоий масалаларни ҳал этишда бошқарманинг таркибий бўлинмалари раҳбарларига маслаҳатлар ҳамда методик ёрдам беради;

Бошқарма бўлинмаларида кадрларни танлаш, жой-жойига қўйиш ва тарбиялаш масалаларида амалдаги меҳнат қонунчилиги талабларига риоя этилишини назорат қиласи;

ходимларнинг хизмат сафарлари бўйича буйруқлар тайёрлайди, хизмат сафари гувоҳномаларини ва бошқа тегишли ҳужжатларни расмийлаштиради, хизмат сафарига юбориладиган ходимлар ҳисобини юритади;

меҳнат таътилларидан ўз вақтида фойдаланишини назорат қиласи, бу борада белгиланган тартибда тегишли ҳужжатларни расмийлаштиради;

харбий хизматга мажбур бўлганларнинг ҳисобини юритади, ишлар режасини ва белгиланган тартибда ҳисботларни ишлаб чиқади;

Бўлимга таалкукли масалалар бўйича хатлар, таклифлар, аризалар, фуқаролар ва бошқарма ходимлари мурожаатларини белгиланган муддатларда кўриб чиқилиши ва ижро интизомига риоя этилишини таъминлайди;

Бошқарма раҳбар ходимларининг имзоларини тасдиqlайди;

Бошқарма ва худудий статистика бўлимлари учун кадрлар тайёрлаш мақсадида, олий ва ўрта маҳсус таълим муассасалари билан ҳамкорликни амалга оширади;

Ўзбекистон Республикаси Президенти ҳузуридаги Давлат бошқаруви академияси ва Вазирлар Маҳкамасининг ҳузуридаги Олий бизнес мактаби, олий таълим муассасалари, базаларида бошқарма ходимларини малака оширишлари бўйича тегишли ишларни олиб боради;

алоҳида ўрнак қўрсатган ходимларни, шунингдек юбилей саналари муносабати билан давлат мукофотлари, фахрий ёрлиқлар, мукофотлар билан тақдирлаш ҳамда улар учун рағбатлантиришнинг бошқа турларини қўллаш юзасидан материалларни белгиланган тартибда тайёрлайди;

Бошқарма ва худудий статистика бўлимлари ходимларини ижтимоий муҳофаза қилиш, қулай меҳнат шарт-шароитлари яратиш, дам олишни ташкил этиш ва улар саломатлигини ҳимоялашга доир чора-тадбирларни амалга оширади;

белгиланган тартибда касаллик варақаларини расмийлаштиради, бошқарма ходимларига пенсиялар тайинланиши муносабати билан ҳужжатларни тайёрлайди;

Бошқарма ва худудий статистика бўлимларида меҳнат интизомига риоя этилиши устидан назоратни ташкил этади, Кўмита ходимларини интизомий жавобгарлиги масалалари бўйича кўриб чиқиш учун таклифлар тайёрлайди;

тасдиқланган тартибга мувофиқ, бошқарма ходимларига хизмат гувоҳномалари ва рухсатномалар расмийлаштирилиши ҳамда берилишини ташкил этади;

ходимларнинг ҳозирги ва аввалги меҳнат фаолияти тўғрисида маълумотномаларини беради;

Бошқарма ва худудий статистика бўлимлари ходимларига ва ишга қабул қилинаётган шахсларга маслаҳатлар беришни амалга оширади;

Бошқарма тизимининг кадрлари учун ўқитишининг қонуний ва меъёрий-хуқуқий базасини яратища иштирок этади;

Бошқарма тизими бошқарув кадрларининг малакаси ва билим савиясини доимий равиша ошириб бориш тизимини амалга оширади.

8. Бўлим ўзига юклатилган вазифалар ва функцияларни тўлиқ, ўз вақтида ва сифатли бажарилишини Ўзбекистон Республикаси Президенти томонидан белгиланган иқтисодиётнинг энг мухим устивор йўналишларини, иқтисодий ислоҳотларни янада чуқурлаштириш, таркибий ўзгартириш ва диверсификация қилиш бўйича ишлиб чиқилган дастурларда белгиланган вазифаларни ҳамда мамлакатдаги ижтимоий ва иқтисодий ривожланишининг тенденциясини (ҳолатини) ҳисобга олган ҳолда таъминлади,

III. Бўлимнинг хуқуқлари ва жавобгарлиги

9. Бўлим ўз зиммасига юклangan вазифалар ва функцияларни бажариш учун куйидаги хуқуқларга эга:

кадрлар билан ишлаш учун режалар ва дастурларни ишлаб чиқиш учун зарур ахборотни белгиланган тартибда бошқарма ва худудий статистика бўлимларидан сўраш ва олиш;

ўз ваколати доирасида Бошқарма тизимида кадрлар ишларининг аҳволи ва малакасини оширилишини таъминлаш масалалари бўйича йигилишлар ўтказиш;

Бошқарма тизимида меҳнат қонунчилигига ҳамда кадрлар билан боғлиқ меъёрий-хуқуқий ҳужжатларга риоя этилишини назорат қилиш ва текшириш;

меҳнат қонунчилиги ҳамда кадрлар билан боғлиқ қонун ҳужжатлари бузилишини бартараф этиш, амалдаги меҳнат қонунчилиги талабларини бузилишига йўл қўйган раҳбарлар ва бошқа ходимларни жавобгарликка тортиш юзасидан бошқарма раҳбариятига таклифлар бериш;

кадрлар билан ишлаш ҳамда бошқарма тизими тузилмаси ва штатлар жадвалини янада такомиллаштириш масалалари юзасидан белгиланган тартибда раҳбариятга таклифлар киритиш;

Бошқарма раҳбарияти ўтказадиган йигилишлар ва кенгашлар ишида қатнашиш ва ташкилий чора тадбирлар щтказилсин;

ўз ваколати доирасидаги масалалар бўйича маълумотларни ва зарур бўлган материалларни Кўмитадан сўраш;

Бошқарма фаолияти билан боғлиқ масалаларни ҳал этиш учун бошқарма таркибий бўлинмалари раҳбарлари билан келишган ҳолда мутахассисларини жалб этиш.

10. Бўлим:

Бошқармада ягона кадрлар сиёсатини йўлга кўйиш ва амалга оширишга ҳамда ўз ваколати доирасидаги бошқа материалларнинг тавияси учун;

Бошқармада меҳнат қонунчилиги меъёрларига риоя этилишини таъминлаш учун;

Бошқарма ходимлари учун қулай иш шарт-шароитларини яратилиши ва жамоада соғлом маънавий-руҳий муҳитни сақлаб туриш учун;

Бўлимга тегишли маълумотларнинг маҳфийлигини таъминлашга, келиб тушган ва чиқаётган материалларнинг давлат, тижорат сирларига риоя қилиниши ва сақланишини таъминлаш учун жавоб беради.

11. Бўлим бошлиги ва ходими Ўзбекистон Республикаси Президенти ва Вазирлар Маҳкамаси томонидан белгиланган энг мухим устивор вазифалар ва замонавий талаблардан келиб чиқиб, шунингдек Ўзбекистон Республикаси “Давлат статистикаси тўғрисида”ги қонуни, Тошкент вилояти статистика бошқармаси тўғрисидаги Низоми, ҳамда ушбу Низомда белгиланган вазифалар, функциялар, мажбуриятларни тўлиқ, ўз вақтида ва сифатли амалга оширилиши, ўзига берилган ваколатлар, хукуқлардан қонун ҳужжатларига мувофиқ фойдаланилиши учун жавоб берадилар.

IV. Бўлим фаолиятини ташкил этиш

12. Бошқарма фаолияти Ўзбекистон Республикасининг “Давлат статистикаси тўғрисида”ги қонуни, Тошкент вилояти статистика бошқармаси тўғрисидаги Низом, бошқарма буйруклари, бошқарманинг I ва II ярим йиллиги учун иш режалари, Кадрлар бўлимининг йиллик иш режаси, ходимларнинг лавозим вазифалари асосида ташкил этилади.

Бўлим ходимларининг лавозим вазифалари бошқарма бошлиги билан келишилади ва тасдиқланади.

13. Бўлим фаолиятига бўлим бошлиги раҳбарлик қиласи. Бўлим бошлиги бошқарма бошлиги томонидан лавозимга тайинланади ва озод қилинади.